

# TULAFONO TAU FAAOFI O TEUTEUGA O LE TULAFONO O LE OFISA O TIUTE 2022

## SAMOA

### Faamatalaga e Faamalamalama ai

#### 1.0 Sini ma mafuaaga:

- 1.1 Ua talosagaina i le Tulafono Tau Faaofi le faia o teuteuga i le Tulafono o le Ofisa o Tiute 2014 (“Tulafono”).
- 1.2 O le sini atu o le Tulafono Tau Faaofi:
  - (a) ia aiaia ai e faapea e mafai ona faamatuu atu tuusaunoaga o tiute mo oloa ua faamaonia ua faaulufaleina i totonu o Samoa e faasino i se galuega tau atinae ua agavaa;
  - (b) ia faamautinoa ai le aloaia faaletulafono o le Komiti o Tupe Teufaafaigaluega e latou te faamatuu atu ai tuusaunoaga o tiute mo oloa faaulufale mai i totonu o Samoa e tusa ai ma se galuega tau atinae ua agavaa.

#### Fuaiupu:

Fuaiupu 1: - ua aiaia ai mo le igoa puupuu ma le amataga.

Fuaiupu 2: - ua faaofi ai le fuaiupu 127A fou i le tuanai ai o le fuaiupu 127 ina ia aiaia ai e faapea, e mafai ona faamatuu atu tuusaunoaga mo tiute o oloa ua faamaonia ua faaulufale mai i totonu o Samoa e tusa ai o se galuega tau atinae ua agavaa.

Fuaiupu 3: - ua aiaia ai mo aiaiga faasaoina mo aiaiga tau soloaiga ina ia faamanino ai e faapea o so o se tuusaunoaga na faamatuu atu a o lumanai ai le faamamaluina o le Tulafono, e aloaia e faapei ai ua faia i lalo o lenei Tulafono.



(Hon TUALA Tevaga Iosefo Ponifasio)

**MINISITA O TIUTE MA TUPE MAUA**

**TULAFONO TAU FAAOFI O TEUTEUGA  
O LE TULAFONO O LE OFISA O TIUTE 2022**

**SAMOA**

**Faatulagaina o Aiaiga**

1. Igoa puupuu ma le amataga
2. Ua faaofiina le fuaiupu 127A fou
3. Aiaiga faasaoina ma aiaiga tau soloaiga

---

**2022, Nu.**

**O SE TULAFONO TAU FAAOFI UA TAUA**

**O SE TULAFONO** e teuteu ai le Tulafono o le Ofisa o Tiute 2014  
("Tulafono Autu").

**UA FAIA** e le Fono Aoao Faitulafono a Samoa i totonu o le Palemene ua potopoto  
e faapea:

**1. Igoa puupuu ma le amataga:**

E mafai ona taua lenei Tulafono o le Tulafono o Teuteuga o le Tulafono o le Ofisa o Tiute 2022, ma e amata faamamaluina i le aso e tuuina i ai le maliega a le O Le Ao o le Malo.

**2. Ua faaofiina le fuaiupu 127A fou:**

I le tuanai ai o le fuaiupu 127 o le Tulafono Autu, ia faaofi e faapea:

**“Fuaiupu 127A. Tuusaunoaga mai tiute o oloa ua faamaonia e faaulufale mai o se galuega tau atinae ua agavaa:**

- (1) I le noatia ma le fai fuafua i le faafuaiupu (2) ma le (3), e mafai ona faamatuu atu tuusaunoaga mai tiute o oloa ua faamaonia e faaulufale mai i totonu o Samoa e faasino i se galuega tau atinae ua agavaa.
- (2) E faatoa mafai ona faamatuu atu tuusaunoaga mo tiute e tusa ai ma taiala faataatitia ua faatonuina i totonu o tulafono faatonutonu.
- (3) E mafai ona faamatuu atu tuusaunoaga mo tiute i se tulaga atoatoa po o i se vaega i ni tulaga ua aliae mai ma noatia i ia tuutuuga ma tapulaa e pei ona faatonuina ai, e aveva o ni tulaga ma tuutuuga ua aliae mai e fesootai i oloa i se tulaga lautele, po o i oloa o lo o aofia ai i se vasega o oloa.
- (4) I totonu o lenei fuaiupu, ae vagana ai ua manaomia e le mataupu se isi uiga e ese ai:  
 “oloa ua faamaonia” o lona uiga o oloa ua faaaogāina e faasino i se galuega tau atinae ua agavaa lea ua faamaonia ai ia oloa mo faamoemoega o lenei fuaiupu e le Ofisa Sili o Pulega o le Matagaluega o Tupe, ina ia tusa ai ma taiala ua faatonuina i totonu o tulafono faatonutonu;

“galuega tau atinae ua agavaa” o lona uiga o se faletalimalo laitiiti, faletalimalo tetele, faletalimalo tu matafaga ma isi galuega tau atinae o tagata tafafao maimoa mai, galuega tau atinae o oloa gaosi, oloa tau faatoaga, galuega tau atinae tau faiga faiva po o isi galuega tau atinae ua faamaonia e le Ministia o Tupe, i le faia i luga o le fautuaga a le Kapeneta e tusa ai ma taiala faataatitia ua faatonuina i totonu o tulafono faatonutonu.”.

**3. Aiaiga faasaoina ma aiaiga tau soloaiga:**

- (1) O so o se faaiuga na faamaonia e le Minisita o Tupe e amata mai i le tausaga 2014 na faia i luga o le fautuaga a le Kapeneta (e ala i fautuaga a le Komiti o Tupe Teufaafaigaluega) mo le faamatuuina atu o tuusaunoaga mo tiute o oloa ua faamaonia mo se galuega tau atinae ua agavaa, e aloaia e faapei ai na faia i lalo o lenei Tulafono.
  - (2) O so o se tuusaunoaga mo tiute na faamatuu atu mo oloa ua faamaonia o se galuega tau atinae ua agavaa a o lumanai ai le faamamaluina o lenei Tulafono, e faaauau pea ona aloaia e faapei ai na faia i lalo o lenei Tulafono.
-